



Codex diplomaticus Brandenburgensis

Sammlung der Urkunden, Chroniken und sonstigen Quellenschriften für
die Geschichte der Mark Brandenburg und ihrer Regenten

Sammlung für allgemeine Landes- und kurfürstliche
Haus-Angelegenheiten

Riedel, Adolph Friedrich

Berlin, 1861

277. Die Markgrafen Casimir und Georg von Brandenburg quittiren den
Kurfürsten Joachim wegen 4000 Thlr. schuldiger Ehegelder, am 29.
September 1525.

Nutzungsbedingungen

[urn:nbn:de:hbz:466:1-56615](https://nbn-resolving.org/urn:nbn:de:hbz:466:1-56615)

276. Ritter Joachim Maltzan schreibt dem Christoph von Quitzow, in ihrer Ehrensache einen Ort zur Entscheidung möglichst nach Quitzow's Wünschen bestimmen zu wollen, am 10. September 1525.

Christoffer von Quitzow.

Ich habe zum andern mal dein vngegründt, auch gantz vnuersehenlich ver-
tzagte antwurd genugsam vermerckt — — — — —. Nhun hab ich dir — —
den platz der ritterlichen ausfurung bis in die churfürstliche stat zu Kottwitz, die
fast zwischen vns vf halbem weg gelegen, bestimbt. — — — — —
— — Das du mir anmutest, mit dir eynen tag zu halden, vor vnser beider freunt-
schafft, die dieienigen, so dar bey gewelt, verhoren vnnd dar nach zu Parleberg,
Repin oder Stendel vf einen platz mit etlichen vnsern freuntschafften zusamen zu
komen, als dan woltest du, was zu dem thun gehort, vergleichen lassen vnd vnuertagt
dar an geen, wiewol mir die pletz vber XXX meyl weit, vnd dir vf II oder III nicht
gelegen sein, so wil ich dirs doch nicht abgeschlagen, auch nicht zugeschrieben haben,
aber damit ich, als der Cron zu Beham Einwoner vnnd dafelbs mit wesen gefessen,
den Behamischen priuilegien nicht zu nahent schreite, wil ich mich mit rath vnnd
hilfe meiner herrn vnnd freunde bey der obirkeit dises konigreichs befeissigen, das
ich ausserhalb dis konigreichs die ritterliche ausfurung mit dir treiben moge er-
langen, wie ich dann auch, das es zu Kottwitz bescheen moge, welchs doch in
koniglichem Lausnitzer land gelegen, habe ausbitten müssen etc. — — — — —
— — — — — Datum Graupin, fontags nach Natiuitatis Marie, anno
etc. XXV.

Joachim Moltzan, Ritter etc.,
vf der herschaft Graupin vnd Toepplitz.

An Christoffer von Quitzow,
zu eigenen handen.

Lisch, a. a. D. S. 56.

277. Die Markgrafen Casimir und Georg von Brandenburg quittiren den Kurfürsten Joachim wegen 4000 Thlr. schuldiger Erbgelder, am 29. September 1525.

Wir Casimir vnd Georg, als die eltesten Regirenden gebrudere, von gots
gnaden Marggrafen zu Brandenburg, zu Stettin, Pomern, Der Cassuben vnnd

Wenden Hertzogen, Burggrauen zu Nurnberg vnd Fursten zu Rugen, Nachdem vns der hochgeborne furst, vnser freuntlicher lieber vetter, Herr Joachim, Marggraf zu Brandenburgk, des heiligen Romischen Reichs Ertzkemerer vnd Churfurst, zu Stettin, Pommern, der Cassuben vnd Wende hertzogk, Burggraf zu Nurnberg vnd furst zu Rugen, jnhalt eins vortrags zwifchen seiner lieb vnd vns ettlicher gegeneinander gehabten Recht, gerechtigkeit, Spruch vnd forderung halben aufgericht acht tausent gulden an Sechsfischen zwelffern, der itzt einvndtzwentzick Einen gulden gellten, schuldig vnd vorschrieben ist Vnnd daran als fur die ersten frist vff Sanct peters tag Cathedra gnant negstuorschienen vier tausent gulden zu Leiptzk oder Zeitz, am welchem der ends ainer vns beliebt, betzallt haben sollt, Welcher vorschreibungk datum stehet zu Coln an der Sprew, am Montag nach Sanct Johannes des hailigen tauffers tag, Nach Cristi vnfers lieben herrn gepurt funftzehnhundert vnnnd jm viervndtzwanzigsten Jaren; Bekennen offentlich mit diesem briue fur vns vnd alle vnser erben gein allermeniglich, das vns gedachter vnser lieber vetter Marggraf Joachim, Churfurst, an den bemellten vorfallen vier tausent gulden der ersten frist zwey tausent gulden zu den negstuorschienen Leiptzger Ostermarkt vnd die andern zweitausent gulden auff heut dato den Leiptzger Sanct Michells marckt doselbst zu Leiptzk Auch also die Erstuorfallen viertausent gulden gar zu vnserm gutten benugen betzallt hat vnd an den bestimpten Achttausent gulden furan nit mehr dann noch viertausent gulden schuldigt bleibt. Demnach So sagen wir merhgenanter vnserm lieben vetter Marggraf Joachim, Churfursten, vnd seiner lieb erben, auch alle, die So derhalb quitirens notturftigk findt, fur vns ander vnser gebruder vnd alle vnser erben Solcher obberurten betzallten viertausent gulden vorgemellter werungk hiemit vnd jn kraft dits briues gantzlich quied, ledig vnnnd losz: vnnnd des zu urkunt haben wir diesen brieff mit Vnser baiden Regirenden fursten gemainen anhangenden jngesigel besiegelt, der Geben ist auff Sanct Michells des heiligen Ertz Engells tag, Nach Cristi vnfers lieben hern geburt funftzehnhundert vnd im funf vndt zwanzigsten Jare.

Nach dem Churmärkischen Lehnscopialbuche III, 349.

278. Kurfürst Joachim verpflichtet sich, dem Herzoge Albrecht von Mecklenburg das schuldige Ehegeld auszuführen, am 8. März 1526.

Wyr Joachim etc. Bekennen vnd thun kunth offentlich mit diesem briue vor vns, vnser erben vnd nachkomen vnd sonst allermeniglich, die jn sehen, horen oder lesen, Als wir dann mit dem Hochgebornen fursten, Herren Albrechten, Hertzo-